

نحن خطارك يا ليلة عاشر وغدا حج المشاعر بالدماء والمناحر

وعندي أحبابي خواطر هالمسية
أفقدته وامسي بعد عزي سبيه
شاطيء الروح وامشي عنه
والعوادي رضضته
حايطة ابخدري اوقايدها الشقية
لو طلع فجر المصابب منه ليه
والكسيرة تفجعتني
واليتمامي تذهلني

يضيّعني اويشيب الراس
يرد الخيل وي الطاس
شعبي او ضيّع الاحساس
دواك الروح ياعباس
فدى چفينه كل الناس
أسيره ابولية الارجاس

لا أخو عندي ولا راعي
خيمتي اوتسلبني اقناعي
والحبلى والناقاة تدنا لي
چيف أروح الكوفه باغلالي
من عضيدي واشقى بعيالي
بس جماجم والخدر خالي

قلبي يسر من شوفته طو الجهامه
يدخل على الحرمه يسليها ابكلامه
من رحمته يعطف على ذيج اليتامي
من يستجير ابقتته يلقي مرامه

وش أوصّف ليأتي بالغازرية
يا عجب خدر اللي ما شافوا خياله
يا فجيعة أفقد حسين
مقدر أروح وانتة مطروح
قلبي يزهر من أشوف الهاشمية
ليلة العاشر اسألج جاوبيني
وأنه خوفي بالمصابب
وأنه وحدي مالي حامي

واخاف ابكربلا العباس
او ما عندي أحد غيره
عليه افكاري مشغوله
أقولن لو سهم صابه
ولو يقطع عدو چفه
أظل ابغربتي وحدي

خايفة فجرك يمرمرني
ما أشوف إلا العدى تهجم
وين راحت عني رجالي
مادروا بالعز سربالي
لا طلع فجر اللي يحرمني
والله ما أقدر أعينهم

محلاها ليله تنقضي ويّ النشامه
وانظر جمال المصطفى بحسنه و كماله
لو يأخذ الطفله على حجره او يسرها
يخبرها عن حيدر علي كهف البرايا

كربلا وحقق على الزهرا الزجيه
من كسر ضلع البتوله ابن الدعيه
والتقيته سقظوها
عسكر أشرار جمعوها
في الفيافي ضيقت كل المعابر
بس قصدهم يذبحوني هالعشاير
للمصايب من تصبحين
واندييني قرة العين

تودعوننا او نودعكم
قبل ما ننفني عنكم
في هاليله يباريكم
وسف ما يطلع اعليكم
او زفافه بيتدي منكم
عطيش او شربه ما عندكم

وانثر الدموعي على خدي
في ذممكم شامخه ابمجلي
حايره بين العدا وحدي
يخوتي يا زينتي او عقدي
في النجف يمكن يجي عندي
في شماته وامشي ابقيدي

راية فخر تبقى إلى يوم القيامه
كعبة ايا من منحرك رمز الكرامه
من صرختي أبني إلى الثورة دعامة
في كل زمن أخذ إلى العزه علامه

لا تهضميني ولا تقسي عليّه
مانشف دمعي على امي يا شقيّه
شبووا النار وسطه الدار
ارحميني وانظري الحال
من سألت الوالي عن هاي العساكر
بالألم جاوبني حمّاي العشيره
واسعدني يا حزينه
ودعيني ابها المسيه

مسانا الليلة ويّاكم
نشم اشموم ريحتكم
أبو فاضل عمد جيشي
علي الأكبر قمر يزهر
او نجم الجاسم اغروبه
او طفلي يرتوي ابدمه

ألبس أحزاني على أخواني
من بلد جدّي تطلعوني
بس وصلنا كربلا أبقى
بيّ وصّاكم علي الهادي
في الخبا لانخي الذي قبره
ما أظن يرضى يذلوني

وادري يظل جسمك على الرمضا ضحيّه
وادري من اوداجك يصب دم الشهامه
وادري أني من كربلا أطلع سبيّه
وادري أزلزل بالسبا طغمة أميه

كل قرابيني على الغبرا مطاعين
كل قمر منهم غرب من حبه لحسين
هالنشامه في الوطيّه
وحدي حاير في رزيه
لو سعد صدري الشمر منهو يردّه
للوطن ظعن الحرم منهو يردّه
والمواضي وزعتني
والعوادي رضضني

علينا قدره ربي
رضاه أو غايته حسبي
حريمي أو صفوتي و صحبي
او سيري في خطي دربي
او صبري العيله من عقبي
او ذكري امصيتي او كربني

ننتصر رغما على الجائر
لا ولا يحكمننا أي فاجر
وابنكرنا ينولد ثائر
يذكرون امصيبة العاشر
والحشا من لهفته ثاير
ما يخيب ابضرته زاير

والله جعل في تربتي امشافي البريه
واللي قصدني ابجافته ردّ ابعطيه
مني تفرّع وانتهى ابشمسه المضيه
واللي خدمني اكرمه ابشربه هنيه

في مشاعر كربلا باجر تنظرين
ما أحد ضحى ولا حجّ ابمثلهم
يفجعوني من أعاين
يتركوني يا عزيزه
لو لفي سهم المنية من يصدّه
لو قطع نحري او فصل راسي اشبديّه
لو تجيني تبصريني
وانه مرمي في الشريعة

وهذا اللي عليّ جاري
يهون فجعة امصابي
فدى دين النبي روعي
تعزي والزمي أمري
يزينب واحفظي شملي
يخيّه وانظمي عقدي

وابشري يا زهرة العتره
ما يذلنا الطاغيه ابجوره
واحنا نحيا ابكل وطن ذكري
يندبونني شيعتي ابحسره
حتى قبري يقصده الزائر
وانت قبرج جته يا حورا

نلت الشرف من ذبحتي بالغازريه
وابمشهدي باب السما يسهل دخوله
ونور الأيمه منبعه او مركز شعاعه
لازم أردّ ازيارته كل من قصدني